



بسم الله الرحمن الرحيم

جمعية رساله بأجا

تقدم

مسرحية

((نعم .. نحن فقراء))

المشهد الاول

منظر داخل صاله البيت

الام: تنظر من الشباك بقلق وحيره وخوف يارب استرها والاولاد ييجوا قبل ما ابوهم ييجى من الشغل وتترقب وفجأة تلمح الأولاد من بعيد وتنادى عليهم وتصرخ انا مش قايللكم مانتاخروش احسن ابوكم ييجى من الشغل ويخلى عيشتنا سوده انا غلطانه انى خليتكو تخرجوا اول واخر مره تخرجوا فيها.

ابراهيم:(الكفيف) معلشى يا اما والله العظيم مش هنتاخر تانى احسن (مصر) و (عماد) راحوا يوزعوا شنته الشهر فى الجمعيه النهارده.

الام: انا خايفه يابنى ابوكم يرجع مره من الشغل بدرى ويسال عليكم ومش عارفه ساعتها هقول ايه او ارد ازاي.....

عماد:(الابن الاكبر) النهارده يا اما كان نفسنا تكونى معانا وتشوفى فرحه الناس الغلابه وهما بياخدوا الشنته.....

الام:يابنى انا عارفه وربنا يبارك فيكم ويبارك فى جمعيه رساله ال فاتحه بيوت يامه (كثير) كفايه انهم عملوا حاجه لاخوك (ابراهيم) الكفيف احسن من قعدته فى البيت طول النهار مضايق على الاقل يحفظ القران.

مصر:(البنيت) و كمان يا امه عاملين قرانه بطريقه برايل وابنك (ابراهيم) بدا يقرا ويكتب هناك ولما يدخل المدرسه او يروح الازهر ممكن يوصل لحاجه كبيره والشيخ (عبد الحميد) مبسوط منه والابله (هبه) كمان فرحانه بيه علشان مخه نظيف وذكى

وبيفهم بسرعه.

الأم : ربنا يبارك فيهم أهو أحسن من قعدته تعبان ومتضايق والنبي يابنتى لو ظروفنا كويسه كان زمانه دخل الأزهر وإتعلم لكن هنعمل إيه والحمد لله ربنا بعت لينا جمعية رسالة هتعوضه اللي فاتة.

الأم: يابنتى انا عارفه كل حاجه وكفايه الابله (مروه الحناوى) جت هنا ولما شافت ظروفنا هي والاستاذة (رانيا القاضى) و(هبه الطيب) وعدونى لما تيجى تتجوزى هيجهزوكى من كل حاجه ..ربنا يبارك فيهم.

الأم..تدخل المطبخ وتتبعه(مصر) ويجهزوا الغداء ويعود الاب

الاب: يدخل (ايوب) وهو فى غاية الضيق يسال عن الاولاد

الأم : بيذاكرا و(مصر) معايا فى المطبخ بنحضر الاكل....

الاب: طيب جهزى الغدا على ما اشوف احوالهم ايه وفجاه يسمع الاب حدوث المكرفون من الخارج يقول:(بسم الله الرحمن الرحيم..بشرى ساره لاهالى مركز اجا تعلن جمعيه رساله عن افتتاح مركز لذوى الاحتياجات الخاصه ولاول مره فى اجا مركز لتعليم المكفوفين القراءه والكتابه على طريقه برايل) ...

الاب:يضرب كف على كف ويقول والله العظيم حرام الواحد راجع من الشغل يريح شويه مش ناقص الوش الى جاى من مكرفون رساله كده الواحد يريح ازاي....

الأم: فيه ايه يا راجل مالك مش طايق نفسك هما عملوك ايه بس.

الاب: دول عالم نصابه احنا عارفين الفلوس الى بيلموها بيودوها فين؟؟؟!!

الأم: يا راجل حرام عليك انت لا بترحم ولا بتخلى رحمه ربنا تنزل ...

((الأم تدخل المطبخ وتجهز الاكل واثناء الجلوس يتكلم الاب عن مذاكره الواد الكبير والبت مصر))

الاب:مالكوش دعوه بحاجه فى البيت انتوا ليكم مذاكرتكم وبس وحياه امى الى هيسقط فيكم ما داخلها تانى...تاكلوا وتخشوا تشوفوا مذاكرتكم و على الله المح واحد فيكوا بره البيت .

((وتمر اللحظات ويدخل الاب لينام...وتجتمع الام بالاولاد وتكلمهم عن المذاكره ولما ينجحوا يعملوا الى هما عايزينه.....وتصلى الام وتدعوا لهم بالنجاح وربنا يهديها زوجها.))

المشهد الثانى

الام:نفس المشهد تنظر من الشباك...وتدعوا الله ان ياتى ابنها عماد من رساله قبل ان يحضر زوجها وتنظر فى الساعه مره وفى الشباك مره اخرى وتسال الام مصر بنتها هو فيه ايه النهارده فى الجمعيه يا مصر اخوكى اتاخر ليه...؟؟؟؟

مصر: مش عارفه يا امه دلوقتى بيجى ..مش انتى قولتيله ميتاخرشى علشان ابوه..!!

الام: ربنا يستر احسن ابوكى لوجه وهو بره هتبقى مصيبه ...

مصر: هو انتى بتخافى قوى كده ليه يامه؟؟

الام:الموضوع مش موضوع خوف يابنتى ده احترام ابوكى اصله طبعه حامى علشان صعيدى ساب الصعيد وجه يشتغل هنا ولما شافنى واتعلقنا ببعض عمل المستحيل مع اهله وخالف العادات والتقاليد علشان نتجوز بس والنبي طيب وقلبه حنين ..وبعدين يابت احنا هنقعد نتكلم ونسيب اخوكى بره وفجاه تنظر الام وتصرخ ياخراى ابوكى رجع واخوكى لسه بره يارب استر وكمان لو عرف انه فى رساله هتبقى مصيبه..

مصر:ماتخافيش يا امه انا هروح بسرعه انادى عليه واجى..

الاب: يدخل وتخرج مصر بدون ان يراها ويسال عن الاولاد؟؟ تتلثم الام وينظر اليها الاب مالك يا وليه؟؟ ... البسه كلت لسانك؟.. انطقى يامرہ اللولاد فين؟

الام: ده...ده...ده...خرجوا .

الاب: انا عارف ان البيت ده سايب وحديتى منوش عازه بس لما يبجوا.

((تدخل مصر وخلفها اخوها عماد وصوت قلبهم مسموع كأنهم فى مسابقه جرى..يقف الاولاد والام تدعوا الله ان هذا الوقت يمر وفى سرها يارب استر يارب ((

الاب: اهلا..انت داي منين ياواد انت؟؟

عماد:انا...انا...انا.

الاب: طبعا الحق مش عليك الحق الحق على الى ربك تربيه ناقصه سايباك تصيبع بره على مزاجك...انا مش هنبه عليك ياواد انت مفيش خروج بره البيت طول ما انا غايب.

عماد: (بعصبيه) كنت بذاكر عند واحد صاحبي....

الاب: الله الله وعرفت ترد على ابوك ادى اخرت دلع امك فيك ..بقى حديتى معاك منوش لازمه..

ابراهيم:(الكفيف) لاه يابا ده كان فى جمعيه رساله بيوزع حاجات على الفقراء الكذب حرام يا عماد اتعلمنا كده فى جمعيه رساله الشيخ عبد الحميد قالى ماتخافشى من حد غير من ربنا.

الاب: يشيط غيظا من الكلام ... الله الله يا سى ابراهيم ابقى خلى الشيخ عبد الحمد ينفعك

الام: تصرخ ليخراي عليك يا ابراهيم .

ابراهيم: ماتخافيش يا امه الى يقول الحق ربنا يحميه من اى شر احنا اتعلمنا كده فى

جمعيه رساله.

الاب: يصرخ اه دى اخرتها وكمان بتكذبوا عليا...!!!!...!!!!.وانا طول النهار يا ست هانم فى الشغل كفران علشان اجيب لكم تطفحوا وانت صايح بره البيت وكمان بتروح رساله؟؟؟؟.

عماد: وفيها ايه لما اروح رساله؟

الاب: وكمان بترد على ابوك؟!!! ويضربه الاب بالقلم ويدخل على الكتب يقطعها ويرميها فى الارض وفى وجه عماد ووجه الام...ابقى خلى رساله تنفك!!!

((يحاول ابراهيم ان يتحرك فى اى اتجاه ولكن لحظه السئ يخبط الصينيه الموجوده امام الاب ويقع الشاى والمياه على الاب))

الاب: يدفع ابراهيم الكفيف فيقع على الارض ويقول له حاسب وانت ماشى تلتش زى ال داموسه كده .

الام: تبكى وتحضن ابراهيم حرام عليك يا مفترى انتا معجون من ايه خلى فى قلبك رحمه

الأب : ينظر إلى الأم بضيق ثم يقول لها لا إله إلا الله محمد رسول الله اللهم طولك يا روح متغورى ياوليه إنتى هاتى الشاى خلىنى أغور من وشك الفجرى ده

ابراهيم: يبكى ويقول ربنا يهديه يا امى.

((يخرج الاب وتحاول مصر ان تخرج ورائه لتهدئته لما لها من دلال عليه ولكنها لم تجده وفى اثناء عودتها يصدماها توك توك كان يسوقه ولد صغير لم يتعدى عمره السبع سنوات وياخذها اولاد الحلال الى مستشفى اجا وهناك تنزف كثيرا

والمطلوب كيس دم وتأتى الممرضه من برك الدم بكيس والمفاجاه ان الكيس مكتوب عليه اهداء جمعيه رساله.... تدخل الام وعماد وابراهيم والاب فى حاله بكاء شديد))

الاب: يحضن مصر ويسال الدكتور عن حالتها؟؟؟

الدكتور: الحمد لله يا حاج بنتك انكتب ليها عمر جديد البركه فى جمعيه رساله .

الاب: يصرخ الاب ايه بتقول ايه يا دكتور مالها رساله؟؟

الدكتور: يا حاج جمعيه رساله هى الى جابت كيس الدم الى انقذ حياه بنتك

الاب: ازاي يا دكتور؟؟

الدكتور: يا حاج جمعيه رساله عامله اول خميس من كل شهر تبرع بالدم والكيس ده كان كيس موجود من الجمعيه نفس فصيله بنتك.. المهم احمد ربنا على سلامتھا هى تمام دلوقتي بس عاوزه راحه لانها نزلت كتير وعايزه راحه تامه فى السرير.

يذهبوا بيها الى البيتودقائق وتدخل مندوبات من جمعيه رساله البيت وتسلم على الام وتسال عن حالتها وتخبرها انها عرفت من الناس فى الشارع وتعطى للام ظرف به مبلغ من المال وشنطه بها (لحمه وزيت وشاي وسكر وعدس وفول ولوبيا).

الاب: يسال فيه ايه يا وليه انتى؟؟

الام: دول من جمعيه رساله عرفوا بالى حصل لمصر وجايين يطمنوا عليها وتحضنها وتبكي .

الاب: يبكي ويقول لها وانا الى كنت فاكرهم نصابين وبتوع كلام!!! سامحنى يارب دول باين عليهم ناس طبيين.

الام: دول يا حاجتاخذ فى تعداد خيرات رساله فى العلاج والنفقه والشنط الشهرية ومساعدات الكفيف وذوى الاحتياجات الخاصه ومحو الاميه والحفلات.....الخ.

الأب : مين اللي جه

الأم : الدكتور ه مى والإبله نها

الأب : ياااااه... انا كنت مفكرهم غير كده وكنت بقول عليهم ياكلوا مال النبى وكنت بقول عليهم بياكلوا جاتوه.

الأم: تضحك وتقول يا راجل يا فقري هو اكل الجاتوه حرام .

الأب: وبيصيفوا فى راس البر....طيب وحياه النعمه دى انا سامع والله اعلم ان عندهم واحده بتشرب نسكافيه .. وباخدوه معونات من أمريكا

الأم: يزداد ضحك الام وتقول له قوم صلى واستغفر ربنا علشان ربنا يباركلك... ربنا يهديك هيا أمريكا هتعرف الفقراء و الغلابه منين دى متعرفش إلا اللي زيها لكن جمعية رسالة تعرف الإيتام والأرامل و المحتاجين وبتعرف إزى توصلهم صح

((وتضحك مصر معه وتساله عن سر اسمها ليه سماها كده؟؟))

الأب: اولاً انا حمدت ربنا ان انتى جيتى بنت لانك لو كنتى ولد كنت احترت !!!..

مصر: ليه يا ابا؟؟

الأب: لانى لو كنت سميتك شريف كان اسامه هيزعل ولو سميتك عماد علاء هيزعل ولو سميتك محمود حمزه يزلعل ولو سميتك رضا احمد يزلعل ولو سميتك هيثم شادى يزلعل ولو سميتك حامد الجمعيه كلها هتزلعل....

((يضحك الجميع))

مصر: طب الحمد لله انى جيت بنت..

الاب: يضحك ويقول لها الحيره زادت !!!

مصر: طب ليه بقى!؟

علشان لو سميتك هبه مروه هتزلعل ولو سميتك نوسه نهى هتزلعل ولو سميتك رانيا
رشا هتزلعل ولو سميتك ساره فاطمه هتزلعل ولو سميتك سلاف امل هتزلعل لكن
الحمد لله سميتك احلى اسم فى الدنيا

مصر: تحيا مصر علشان كلنا نقول
تحيا مصر.

الام: الحمد لله ربنا هداك.

الاب: ايه يا وليه هو انا كنت مجنون والا ايه!؟

الام: يا راجل بطل شغل الصعايده ده وبلاش نرفزه كده على طول.

الاب: ياه.....يا وليه انتى تعرفى ان الصعايده دول احلى حاجه فى مصر ناس طيبه
جدا وقلبهم ابيض وظاهر..... شوفى يا ام العيال انا هروح رساله اتطوع واعمل
معاهم اى حاجه .

الام: سبحان مغير الاحوال ربنا يبارك فيك.

الاب: بس لازم ارد الجميل لرساله الاول.

الام: هتعمل ايه يا راجل!؟!؟!

الاب: هتبرع بدمى لرساله..

يخرج الاب متجها لرساله وهناك يتبرع بالدم ويكتب استماره تطوع ويخرج الاب
فرحان.....يدخل الاب على مصر ويخبرها انه تطوع فى رساله وتبرع بدمه

ابراهيم ويقول انا لازم اعوضه عن الى فاته كله واروح كل يوم اصلى معاه فى الجامع ويوم الجمعة بكره لازم نروح بدرى علشان نلحق مكان فى اول صف زى ما بيحب ابراهيم هو فين انا مش شايفه ليه؟؟ تخفى الام وجهها وتبكي وتبكي مصر ويبكى عماد..

الاب: ابراهيم فين يا وليه؟؟

((يدخل الاب الغرف ويسال وينادى انت فين يا ابراهيم يا حبيبي انا لازم اعوضك عن كل الى فاتك ... ابراهيم ... ابراهيم... ابراهيم.))

الام: تصرخ اتاخرت قوى ياراجل مش هيصلى معاك ابدأ بس هتاخده بكره تصلى عليه .

الاب: يصرخ اسكتى يا وليه اسكتى .. قوم يا ابراهيم قوم علشان نروح نصلى الجمعة.

الام: تصرخ... المره دى هتروح بيه الجامع بس علشان تصلى عليه مش تصلى معاه وترجعوا البيت!! ابراهيم مات (يا أيوب) ابنك مات ..

((يحتضن الاب ابراهيم ويصرخ))

إهداء

محمد صافى على محمود

مصور رسالة